


Alkitab Sagan Kakanakan

Mengenal akan

Anak nang Hilang



Panulis: Edward Hughes

Nang manggambar: Lazarus
Alastair Paterson

Nang manyusun: Ruth Klassen; Sarah S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.




Yesus katuju bakisah tantang pangampunan Allah. Tapi pamimpin-pamimpin Yahudi basungut tantang kayaapa Inya tarus bakawan lawan pandusa. Imbah ngintu Yesus mangisahakan talu kisah nang manunjukakan amun Allah arai banar amun pandusa batubat matan dusa buhannya.



Kisah nang pertama
tantang saurang
gambala nang
baisi saratus
dumba.

Saikung dumba
hilang. Pas inya
maninggalakan
sambilan puluh
sambilan
dumbanya lawan
tulak mencari
dumba nang
hilang.





Gambala ngintu
mancari-cari sampai
inya tatamu dumbanya.
Lalu dipikulnya dumba
ngintu di bahunya lawan
dibawanya bulik lawan
parasaan arai. Inya
mangisahakan ka
kawanannya,

"basanang-sananglah
lawan aku, ulih aku
tahaga dumba nang
hilang!"



Yesus manjalasakan
pada ada kasanangan
nang ganal di surga
amun saurang pandusa
batubat. Batubat
bararti manyasal
akan dusa-dusa
lawan ampih
maulah dusa.





Imbah ngintu kisah Yesus
tantang saurang binian
nang baisi 10 kaping pirak,
nang marupaakan hasil
tabungan Saumur
hidupnya. Hal nang buruk
tajadi. Inya kahilangan
sakaping pirak.



Sapu! Sapu! Sapu! Binian ngintu
mencari kamana-mana.



Imbah ngintu inya taulih kaping
nang hilang. Inya arai banar.
Kawakah ikam manangguh nang
inya gawi? Inya mangisahakan ka
samunyaan kakawanannya.





Sakali lagi
Yesus baucap,
"Malaikat-
malaikat Allah
arai amun
saurang
pandusa
tubat."



Kisah katalu nang Yesus
kisahakan adalah nang tasadih.
Mangisahakan tantang saurang
anak nang maninggalakan
rumah abahnya.



Di nagara nang jauh anak ngintu manghabisi duitnya
lawan kada bijaksana. Imbah napa nang harus inya
gawi? Kaadaan makin buruk ulih musim kamarau lawan
kalaparan datang. Anak ngintu bisa mati kalaparan.



Pagat asa ulih kalaparan, anak ngintu taulih gawian mambari makanan babi. Tapi kada ada nang mambari inya makan. Inya lawan sanang hati makan makanan babi. Kamungkinan ganal inya lakukan. Imbahnya anak lakian ngintu manyadari kasalahannya. "Dirumah abahku, Buhan pambantunya dapat makanan nang layak," pikirnya.






"Aku pacangan bulik ka rumah lawan mamuhun ampun matan abahku atas kasalahanku. Aku kada layak jadi anak abahku. Aku baharap kawa bagawi jadi pambantu di wadah abahku".



Pas anak ngintu masih jauh matan rumahnya,
abanya sudah malihatnya. Lawan arai, abahnya
bukah maambili anaknya. Inya mancium lawan
marangkul anaknya.





"Abah, aku badusa. Aku kda layak hagan jadi anakmu," Anak batakun ka abahnya amun inya handak manggawiakan inya jadi pambatunya. Tapi abahnya mamutung. "Kaluarakan jubah nang bagus, alas batis, lawan utas hagan anakku. Basiap hagan pista ganal."



Adalah pista nang manakjubakan ulih anak nang hilang sudah babulik. Yesus mangisahakan ngini ulih Allah mancintai banar urang badusa nang tubat lawan babulik ka Inya.



Anak nang Hilang

Sabuting kisah matan Firman Tuhan, Alkitab

Taulih dalam

Lukas 15

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

